



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. CXII. Qvæ Maxime Peccatacvm S. Eucharistia repugnent.

urn:nbn:de:hbz:466:1-42349

QVÆ MAXIME PECCATA CVM
S. Eucharistia repugnent.

*Inimicitia
communi-
caturo vi-
tanda.*

§. **E**TSI autem omne mortiferum scelus diuinissi-
mæ Eucharistiæ repugnet; duo tamen vel maxi-
mè illi contraria sunt, discordia scilicet & luxuria.

§. Dissensio quidem & odium, quia Eucharistia
est symholum pacis & concordia, qua fideles inter se,
vt membra vnus corporis, cum Christo, vt capite suo
connectuntur. 1. Cor. 10. v. 17. vnus panis, vnum corpus

*Qui in vno
tertio conue-
niunt inter
se comensan-
t.*

multi sumus, omnes qui de vno pane participamus, vt sicut ex
multis granis fit vnus panis, ita ex multis fidelibus la-
cra Synaxi fiat vnus sacer panis & viuus, vnum sc. cor-
pus Christi mysticum. idcirco q̄ omnes reipsa Christi
corpori in Eucharistia vniantur, ita vt in S. communione
simus non tantum Christiferi, sed & concorporei & consanguine-
i Christi, vt ait S. Cyrill. Hierosol. catechesi 4. hinc & com-
munio dicitur, id est, communio vnio fidelium, qui e-
dendo idem corpus Christi verum in Eucharistia, vnū
corpus Christi mysticum, siue vna Ecclesia efficiuntur.
vt hoc Apostoli loco ex S. Aug. docet ven. Beda, quam
intimam conjunctionem idem S. August. considerans

*Eucharistia
mutua dile-
ctionis ne-
cessitas.*

tract. 26. in Ioannem exclamat. O Sacramentum pietatis!
O signum vnitatis! O vinculum caritatis! quod & ex eo
mutuatum vt Con. Trid. sess. 13. c. 8.

§. Hinc & S. Bern. de Præc. & disp. c. 26. nunquam,
inquit, mihi contingat, turbatum ad pacis accedere sacrifici-
um; cum ira & disceptatione contingere Sacramentum, in quo
Deus indubitanter est, mundum reconcilians sibi. Certè non re-
cipietur munus quodcunq; meum, q̄ defero ad altare nisi ante
placato fratre, quem me fortè lesisse meminero: quanto minus
si ipsum non pacauero prius?

§. Qua-

§. Quapropter S. Aug. ser. 252. de temp. Rogo vos fratres, inquit, diligenter attendite si ad mensam cuiuscunque potentis hominis nemo presumit cum vestib. confectis, & inquinatis accedere: quanto magis à conuiuio aeterni Regis, id est, ab altari Domini debet se vnusquisque inuidia vel odii veneno percussus, iracundia furore repletus cum reuerentia & humilitate subtrahere, propter illud quod scriptum est. Vade prius reconciliari fratri tuo, & tunc veniens offeres munus tuum. Matth. 5. v. 24. 25. & iterum Matth. 22. v. 12. Amice quomodo huc intraisti & non habens vestem nuptialem? & illo obmutescite dixit ministris, ligate illi manus & pedes, & proiicite eum in tenebras exteriores, ibi erit fletus, & stridor dentium. Ecce qualem sententiam merebitur audire, qui ad conuiuium nuptiale, id est, ad altare Domini, aut ebriosus, aut adulter, aut odium in corde retinens presumit accedere.

§. Aduersissima etiam huic sanctissimo Sacramen-
to a sacrificio est libido; vtpote in quo virginea caro
Christi, ex purissima virgine, ope S. Spiritus procrea-
ta, sumitur; frumentum electorum, & vinum germinans vir-
gines. Zach. 9. v. 17. Panes propositionis, huius Sacra-
menti figura, non nisi à puris & sanctificatis mandu-
cari poterant. 1. Reg. 21. v. 4.

*Eucharisti-
am præceptu
ro detestan-
da omnia lu-
xuria.*

§. Et vetus sacre legis autoritas inde ab initio cu-
stodita est, quod in templo, anno vicis sue, habitare
præcepti sunt Sacerdotes, vt seruientes sacris oblatio-
nibus, puros & ab omni labe purgatos sibi vindicent
diuina ministeria; quia scriptum est Leuit. 11. vers. 20.
Sancti estote, quia ego sanctus sum Dominus Deus vester. Ita
ex S. Luca cap. 1. & 2. Paralip. 24. notauit Innocen-
tius Papa epistol. 3. cap. 1. distinct. 82. cap. proposui-
sti. distinct. 31. c. eos. Venerabilis Beda super Lucam.
lib. 1. c. 1. Apostolus etiam ad Cor. c. 7. scribit, abstinere
vos ad tempus, vt vacetis orationi, & hoc vtiq; laicis præcepit:
multo magis Sacerdotes, quibus & orandi & sacrificandi iuge
officium est semper debent ab eiusmodi consortio abstinere; vt
benè

*Legis Sacor-
dotes in sa-
cro ministe-
rio continen-
tes.*

benè colligit idem Innocent. p. dist. 31. c. nam sicut. cap. si laicus. Hec ergo cogitantes, fratres carissimi, ait S. August. memorato serm. 252. de temp. tam certi & tam sobrii, & tam pacifici ad istud altare Deo auxiliante, studeamus accedere, ut ab illo aeterno altari non mereamur excludi. Qui enim ad istud altare casto corpore & mundo corde, cum munda & secunda conscientia venit, ad illud altare, quod in caelis est, felici transmigratione perueniet.

§. Vnde rectissime S. Basil. serm. 2. de baptis. c. 2. docet: cum Deus Moyse praeceperit Leu. 21. v. 17. ne quis ex stirpe Aaronis habens maculam accederet ad offerendum dona Deo, tanto scelestiorem & impium magis esse impiorum Sacerdotum offerentium, quanto corpus unigeniti filii Dei excellentius est arietibus & tauris. Necessarium itaque semper quidem est, maxime verò tanti actus mysteriorum celebrandi tempore, servare praeceptum Apostoli dicentis 2. Cor. 7. v. 1. Mundemus nos ab omni inquinamento carnis & spiritus perficientis sanctificationem in timore Dei.

§. S. Chrysost. hom. 60. ad Antiochenos. Quo non oportet esse puriorem, ait, tali fruente sacrificio, quo solari radio non splendidiorem manum carnem hanc diuidentem, os quod igne spiritali repletur, linguam quae horrendo nimis sanguine rubescit? Leu. 21. v. 6. Sancti erunt Deo suo, & non polluent nomen eius: incensum enim Domini, & panes Dei sui offerunt, & ideo sancti erunt.

C A P. CXIII.

DIVINA ADVERSUS IMPIOS SACERDOTES VINDICTA.

1. Cor. 10. v.

21. Non potes-

tu calicem

Domini bi-

bere & cali-

cem Domini

potare.

§. Sanctus Gregor, Turonum Pontifex l. 1. de gloria Martyr. c. 87. Epachius Presbyter dum temerè quae indigne erat agere praesumpserat, diuino iudicio, solo proiectus occubuit.